

Privredno društvo za proizvodnju i transport gasa

"BH-Gas" d.o.o.Sarajevo

Broj: 09-UD-0402-2454

Sarajevo, 11-07-2022

Na osnovu člana 100. Zakona o javnim nabavkama („Službeni glasnik BiH“ br.39/14), i člana 51. Statuta BH-Gas-a, a povodom žalbe „ZEP -ING“ d.o.o. Tuzla, zastupan po punomoćniku Miroljubu Radomiroviću, advokatu iz Tuzle, izjavljene na tendersku dokumentaciju u postupku nabavke Pregleda i mjerenja po objektima gasovoda, objavljene na Portalu za javne nabavke, dana 17.06.2022. godine, broj obavještenja: 876-1-2-98-25/22 , Ugovorni organ donosi:

## ODLUKU

### Član 1.

Usvaja se žalba potencijalnog ponuđača „ZEP -ING“ d.o.o. Tuzla, zastupan po punomoćniku Miroljubu Radomiroviću, advokatu iz Tuzle, izjavljena na tendersku dokumentaciju u postupku nabavke Pregleda i mjerenja po objektima gasovoda, pokrenut putem otvorenog postupka, broj obavještenja: 876-1-2-98-25/22 objavljenog na Portalu za javne nabavke dana, 17.06.2022.godine.

### Član 2.

Mijenja se tenderska dokumentacija br. 03-MŠO-2477, objavljene dana, 17.06.2022. godine, na Portalu za javne nabavke, broj obavještenja: 876-1-2-98-25/22, kako slijedi:

Mijenja se tačka 12. (Grupa ponuđača) tenderske dokumentacije i glasi:

„12.1. U slučaju da ponudu dostavlja grupa ponuđača, ugovorni organ će ocjenu ispunjenosti kvalifikacionih uslova od strane grupe ponuđača izvršiti na slijedeći način:

uslove koji su navedeni pod tačkom 11.1., 11.2.1., 11.2.2. i 11.2.3. moraju ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuje ispunjenje postavljenih uslova, na način na koji su predviđeni da se dostavljaju dokazi. A uslove iz tačke 11.5. članovi grupe ponuđača mogu ispunjavati kumulativno.

12.2. Grupa ponuđača koja želi učestovati u ovom otvorenom postupku javne nabavke dužna je dostaviti original ili ovjerenu kopiju pravnog akta o udruživanju u grupu ponuđača radi učešća u postupku javne nabavke, u roku ne dužem od 5 dana od dana prijema odluke o izboru najpovoljnije ponude. Navedeni pravni akt mora sadržavati: ko su članovi grupe ponuđača sa tačnim identifikacionim elementima; ko ima pravo istupa, predstavljanja i ovlaštenje za potpisivanje ugovora u ime grupe ponuđača kao i utvrđenu solidarnu odgovornost između članova grupe ponuđača za obaveze koje preuzima grupa ponuđača. Ukoliko ponuđač ne dostavi definisani pravni akt sa definisanom sadržinom, ugovor će se dodjeliti slijedećem ponuđaču sa rang liste.

12.3. Ukoliko se ponuđač odlučio da učestvuje na tenderu kao član grupe ponuđača, ne može učestovati i samostalno sa svojom ponudom u istom tenderu tj. lotu, niti kao član druge grupe ponuđača, odnosno postupanje suprotno zahtjevu ugovornog organa će imati za posljedicu odbijanje svih ponuda u kojima je taj ponuđač učestvovao.

12.4. Grupa ponuđača ne mora osnovati novo pravno lice da bi učestvovala u ovom postupku javne nabavke.“

### Član 3.

Briše se tačka „11.2.4“, a dodaje se nova tačka „11.5.“ tenderske dokumentacije i glasi:

„Ponuđač je obavezan dostaviti original ili ovjerenu kopiju odgovarajućih rješenja/dozvola/ovlaštenja izdatih od strane nadležnih ministarstava ili drugih nadležnih organa koji izdaju rješenja/dozvole za obavljanje predmetnih poslova i vrsta pregleda i to:

1. Dokaze da u okviru registrovane djelatnosti ponuđač može obavljati poslove pregleda, ispitivanja, mjerenja, kontrole rada na elektroenergetskim postrojenjima, el. uređajima i instalacijama i izdavanje isprava koji su predmet nabavke, zatim montaže, izvođenja, pregleda i ispitivanja instalacija u kojima su angažovani protiveksplozijski zaštićeni uređaji.
2. Dokaze o ispunjavanju uslova za obavljanje stručnih poslova iz **oblasti zaštite od požara**: - ispitivanja ispravnosti i funkcionalnosti sistema aktivne zaštite od požara, sistema za automatsko otkrivanje i dojavu prisutnosti zapaljivih gasova i para, sistema za gašenja požara ugljen-dioksidom i drugim sredstvima , uređaja za sprečavanje nastajanja i širenje požara, hidrantske instalacije; izvođenje obuke zaposlenika u pravnim licima; pregled građevina ).
3. Dokaz za obavljanje poslova održavanja i ispitivanja aparata za gašenje početnih požara.
4. Dokaze o ispunjavanju uslova (kadrovskih i tehničkih ) za obavljanje periodičnih pregleda i ispitivanja iz oblasti zaštite na radu i to: sredstava za rad i sredstava i opreme lične zaštite, električnih instalacija, gromobranskih instalacija na objektima, osposobljavanje radnika za siguran rad, izdavanje odgovarajućih isprava iz oblasti zaštite na radu a sve u skladu sa Zakonom o zaštiti na radu ( „Službene novine Federacije BiH“ broj 83/21 ).

Ponuđači koji su u skladu sa važećim/novim Zakonom podnijeli zahtjev Federalnom ministarstvu rada i socijalne politike za dobijanje ovlaštenja za obavljanje navedenih poslova, tj. ako su u fazi pribavljanja rješenja, a ista još nisu dobili, validno je i ranije izdato Rješenje/ovlaštenje za obavljanje stručnih poslova iz oblasti zaštite na radu.

Ponuđači tražene uslove iz tačke 11.5. tenderske dokumentacije mogu dostaviti odmah uz ponudu ili dostaviti izjavu da će tražene dokaze dostaviti u roku od 5 (pet) dana od dana prijema Odluke o izboru najpovoljnijeg ponuđača.“

#### Član 4.

Usvaja se zahtjev potencijalnog ponuđača „ZEP -ING“ d.o.o. Tuzla, zastupan po punomoćniku Miroljubu Radomiroviću, advokatu iz Tuzle, za naknadu advokatskih troškova u iznosu od 240,00 KM za sastav žalbe od 06.07.2022. godine nastali pred ovim organom, i iste je ugovorni organ dužan nadoknaditi žalitelju u roku od 15 dana od dana izvršnosti ovog rješenja.

#### Član 5.

Ova odluka stupa na snagu danom donošenja.

### Obrazloženje

Ugovorni organ je pokrenuo postupak javne nabavke Pregleda i mjerenja po objektima gasovoda, putem otvorenog postupka broj obavještenja: 876-1-2-98-25/22, objavljenoj na Portalu za javne nabavke, dana, 17.06.2022. godine.

Nakon preuzimanja tenderske dokumentacije potencijalni ponuđač „ZEP -ING“ d.o.o. Tuzla, zastupan po punomoćniku Miroljubu Radomiroviću, advokatu iz Tuzle, je izjavio žalbu na tendersku dokumentaciju.

Prije razmatranja žalbenih navoda, Ugovorni organ je utvrdio procesne pretpostavke, odnosno da je žalba blagovremena, dopuštena i izjavljena od ovlaštenog lica, te da su ispunjeni uslovi za razmatranje žalbe u smislu člana 100. stav 3) Zakona o javnim nabavkama.

Nakon što su ispitane prethodne pretpostavke, Ugovorni organ je uvidom u žalbene navode i tendersku dokumentaciju, te analizom žalbenih navoda, utvrdio da žalbu treba usvojiti, te izmjeniti tendersku dokumentaciju, što je i učinjeno ovom Odlukom, te nastaviti postupak javne nabavke.

Detaljnim uvidom u izjavljene navode žalbe br: 0607/2022 od 06.07.2022. godine, kao i tendersku dokumentaciju u ovom postupku nabavke, ugovorni organ je utvrdio slijedeće:

Osnovan su žalbeni navodi žalitelja, a koji se odnosi na tačku 12. tenderske dokumentacije, gdje se u svrhu dokazivanja uslova za grupu ponuđača traži ispunjenje uslova iz tačke 11.1. i 11.2. , kao i žalbeni navod koji se odnose na tačku 11.2.4. tenderske dokumentacije.

Razmatrajući gore navedene navode žalbe, te imajući u vidu odredbe Zakona o javnim nabavkama kao i podzakonskih akata. Ugovorni organ je stava da su žalbeni navodi osnovani, te je izjavljenu žalbu valjalo usvojiti, te izmjeniti sporne odredbe tenderske dokumentacije i uskladiti sa navedenim zakonskim odredbama, te je i odlučeno kao u dispozitivu Odluke.

Obzirom da je žalba usvojena, ovaj organ je u skladu sa ispostavljenim zahtjevom za naknadu advokatskih troškova u konkretnom slučaju pristupio odlučivanju o troškovima ovog postupka, te je usvojio zahtjev za naknadu troškova dvokata u iznosu od 240 KM.

Uzimajući u obzir navedeno odlučeno je kao u dispozitivu.

Protiv ove odluke može se uložiti žalba u roku od 5 (pet) dana od dana prijema iste u skladu sa članom 101. stav (5) Zakona o javnim nabavkama. Žalba se u pisanoj formi u dovoljnom broju primjeraka podnosi na adresu ugovornog organa: BH-Gas d.o.o. Sarajevo, Obala Kulina bana br. 8/III, 71000 Sarajevo, kao prvostepenoj instanci u žalbenom postupku.

**Dostaviti:**

- Ekonomsko-finansijski sektor
- Žaliocu
- a/a

**UPRAVA BH-GAS D.O.O.**

VD IZVRŠNI DIREKTOR

  
Jasmin Skenderagić



DIREKTORICA

  
mr.sci. Nihada Glamoč, dipl.ing.maš